



06-08-2018

UKA 2018/061

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

**Apeqquteqaat aallavigalugu oqallinnissamik ingerlateqatigiiffiit akileraarutaannik appaartarsinnaanermik siunnersuut.**

(Inatsisartuni ilaasortaq Jens Napātōk', Partii Naleraq)

Kalaallit Nunaanni suliffiteqarnissaq soqutiginarsartariaqarpoq aammalu suliffeqarfinnut atukkat pitsanngorsartariaqarput inerisaaqqiinnissamut periarfissaqarneroqqullugit.

Kalaallit Nunaanni ingerlatsiviit isertitaminit akileraarutaat ullumikkut 2018 naapertorlugu 31,8%-imiittoq ingerlatsiviit sinneqartoorutaannut akileraarut 15 procent-imut apparnissaa siunnerfittut pilerinartipparput. Akileraarutit appalaaginnaraanni – oqarutta 30 procent-imik 25-imut taava sunniutissaa atuutilernaviannngilaq, siunertaa uniorneqassagami.

Aatsaat ersarissumik appaagutta nunanut allanut sanilliulluta pilerinarnerulissaagut, tamannalu anguneqarsinnaalluni malunaatiliimmik procent-imik aalajangersimasumik appaagutta.

Nalunngilarput tusartuarlugulu namminersortut kalaallit nunaanni angerlarsimaffeqaraluarlutik nunani allani akileraartarnikkut pitsaanerusumik atugaqarnissartik siunertaralugu suliffeqarfutitik angerlarsimaffeqartittaraat.

Ingerlativiit isertaatigut akileraarutitigut appaaffiginnineq siunissamut aningaasanik ileqqaarinninneruvoq, ileqqaarinninnerinnaanani aammali suliffeqarfinnik nutaanik suliffissaqartitsinerlu anner-tusarniarlugu iliuseqarnerussaalluni.

Ingerlatseqatigiiffiit akileraarutaata 31,8%-iimittuarnerata kinguneraa suliffeqarfissuit namminersortut Kalaallit Nunaannut ingerlativiit isertitaminit akileraarutaat qaffasittuartillugu suliffeqarfutiminnik nunatsinni ingerlatsisinnaannginnerannik kinguneqartartoq. Suliffeqarfinnullu nutaanik aallartitsiniarneq ajornakusoorluinnartutut isigineqarluni. Taamaattumik ingerlatsiviit isertitamini akileraarutaat appaaffineqartuuppat suliffeqarfiit nutaat pilersiororneqarsinnaanerat aqqu-tissiuunneqassasoq Partii Naleqqamiit isumaqarpugut, tamassumalu kingunerisaanik suliffissarpas-suit nutaat aamma pilersinneqarnissaanut aqqu-tissiuunerussasoq isumaqarluta.

Ingerlativiit sinneqartoorutaasa akileraarutaannut appaaneq toqqaannartumik inerisaanermut. Aningaasanik nunatsinnut ileqqaarusunnermik, namminersortunullu oqilisaanermut sunniuteqassaaq. Tamassumap kingunerissavaattaaq aningaasat nunatsinni isertikkuminarninngussapput annikkumi-naallissallutillu.